

797 Si hete die wârheit ê vernomen:
 solch botschaft was nâch ir komen,
 daz wendec wære ir klagendiu nôt.
 der herzoge Kyot
 5 unt anders manec werder man
 heten si gevüeret dan
 ze Terre de Salvæsche in den walt,
 dâ mit der tjoste wart gevalt
 Segramors unt dâ der snê
 10 mit bluote sich ir gelîcht ê.
 dâ solte Parzival si holn;
 die reise er gerne mohte doln.
 Dîse mære sagte im ein templeis:
 »manec rîter kurteis
 15 die kûneginne hânt mit zûhten brâht.«
 Parzival was sô bedâht,
 er nam ein teil des Grâles schar
 unt reit vûr Trevrizende dar.
 des herze wart der mære vrô,
 20 daz Anfortases dinc alsô
stuont, daz er der tjost niht starp
 unt im diu vrâge ruowe erwarp.
 Dô sprach er: »got vil tougen hât.
 wer gesaz ie an sînen rât
 25 oder wer weiz ende sîner kraft?
 al die engele mit ir geselleschaft
 bevindentz nimmer an den ort.
 got ist mennesch unt sînes vater wort,
 got ist vater und sun,
 30 sîn geist mac grôze helfe tuon.«

ê *om.* *G
 wendic was ir *T
 ander *T L Z
 sich glîchet (ir gelîchet Z) *G (*T)
 moht er gerne *G (*nur GI*)
 disiu (Die L) m. *G · im *om.* *T I
Die Verse 797.14–15 fehlen ↓*G (*nur G*)
 b. unde kurteis, *G (*nur G*)
 vil ougen hât. *T
 ir *om.* *G (*ohne Z*) *T
 ↓*G *T
 ist menschlich und *T

*D: D *m: m V *G: G (*ohne 797.14–15*) I L Z *T: U

1 *Initiale D G I L Z U* 13 *Majuskel D* 17 *Initiale I* 23 *Majuskel D*

1 Si] ÷i D 2 nâch] ouch *m (*nur m*) 12 mohte] wolte (môhte V) *m 13 im] *om.* *m 14 der was hofsh vnde churtoys I · Mit mangem ritter kûrteis L · Manic ritter kvrteis Z 15 vnd was von arde wol Geslaht I · Fûren sý dan bi der naht L · Hant die kvniginne braht Z 19 wart] was *m (*nur m*) 21 stuont] *om. D* 26 mit] und *m 27 ervindent si (Befindens V) niemer an ein ort. *T (V) · bevindentz] bevündenz (Befundens m [G] Befvnden L Vol freischentz Z) *m (*nur m*) *G (*ohne I*) 30 mac] mac wol *m (*nur m*)